

康熙
永和縣志

二十四卷
四冊

地/60.24
32-1
:1-4

巖窟

熙康
永和縣志



永和縣志

卷

景林康正永和縣志

余致力以讀昔志以來搜羅舊志詒金性
永和縣志迄未見及此平園舊有藏本而南
後以之佚失氏其來董閱書肆以民國九年
知印永和志者正商陽中而友人危其志來自并
州謂以深舊考高價自不當惜也知印新本則
原者必多年期其流傳必好習不難想也為
此力留意點檢可獲也乃任之不意自一
不獲再遇焉三林與太原知育知商以所藏古

永和縣志 卷

鏡與城中福本者志相更換而永和日報中
近有一部之與焉了前卷者其惡痛李籍氏景
於一節不意也者於故之際刻以者有為生由
吾西之間刻以民國九年知印本見增其具同
時得之西志乃持誌之

民國三年二月 景林康正 謹識



吾園藏本缺刻以故以原序以此知印本載有
焉因亦補刻補以期全璧

永和縣志序



平陽古文獻名邦也紀傳叙自
龍門綱目開於涑水其為天下
京國史記之宗也余前濫列詞
林校書中秘高山仰止心嚮往
之丙戌夏改授茲邑備官大賢
之鄉以為河山如故文獻其有

永和縣志序

未墜者而初願愜焉及歲暮涖
永但見土洞凝煙荒山霽雪向
之興致消然而已檢閱邑乘纂
於署縣事臨汾丞武功張君時
為康熙癸丑張序曰永和僻處
萬山兵燹屢經凋殘實甚舊無
完志中雖叙述亂紛而一邑之

山川土物賴此不致泯沒第闕
畧舛譌者多而編纂之役難緩
自愧聞見未廣掩卷太息擱筆
久之况邑制之殘缺廢墜狹隘
處不少急修舉之為務而可不
當務之為急歟戊午歲 郡憲
劉公以府志百年未修開局纂

永和縣志

序

二

輯儀奉調平陽同事叅訂因得
見通志之載永事如建置職官
宦績選舉人物祥異諸類之詳
且備焉考永志之闕畧舛譌者
悉以通志叅互較正筆之於簡
事竣歸邑遂將邑制之殘缺者
補之廢墜者舉之狹隘者拓之

至庚寅歲歷月餘而志於是成
焉定為二十四卷姑存一方之
典故庶幾永有完志也嗚呼邑
乘具在無殊斷簡殘篇故老不
知何異於盲問道考時代之碑
碣蘚蝕雨摧歷險阨之崎嶇山
窮水盡猶幸竒峯聳秀靈液流

永和縣志

序

三

芳民情多事耕耘土俗安於檢
樸賦役會計

國朝載在全書古蹟依然公署
僅蔽風雨貞閨不朽堪傳千載
芳名學校重新聊安一時裡祀
但憾人材寥落文藝闕如豈生
士於斯遂為地所限龍門涑水

不增長於姑射之西紀傳綱目
獨表著於中條以南也耶雖然
永地山峻土饒永民鶉衣藿食
其為永士可知也余承乏四載
一切因陋就簡而愛恤教養之
為急獨此揣摩竭盡心力有關
於國計民生而志者有關於綱

永和縣志 序

常名教而志者寧可百年不修
不可草率從事孔子曰吾猶及
史之闕文也敢存疑信於其間
乎是編也文雖鄙俚事皆實據
總按通志郡志合叅不假私意
以俟後之君子摭摭者勿遺後
之君子之無稽也

康熙四十九年歲次庚寅月應
誕賓既望

賜進士第前翰林院庶吉士改
授永和縣知縣銅江王士儀
撰

稽古之作史者首推司馬遷也如班固之西漢書姚
思廉之梁陳書歐陽修之新唐書與夫司馬光之通
鑑此數君子者大抵義取乎直文趨於古切而不泛
約而能該至今贈矣人口噫史如是而志獨不如是
哉雖然史明天子之大義而志載郡邑之鎖事也考
亭朱子官車所蒞必先搜輯志乘蓋以山川之險易
土物之肥瘠風俗之貞淫政治之得失非披覽邑乘
莫能詳也吾永之志自明季闖賊入寇屠戮殆盡版
籍蕩然康熙十二年署縣事張公采輯成書風土人

永和縣志

卷序

物庶幾不泯第紀事遺訛為文冗雜遺訛不經冗雜
非史惟我邑侯父母王公以詞林重臣特簡茲土甫
下車即有更新意謂及今不輯愈久而愈訛矣既而
曰猶有待學校狹隘則增修急城郭低覆則補建急
文風未振則講究急地方未靖則編查急民氣宜舒
則省刑急撫字宜寬則緩征急而且勸作息有望農
之亭省春秋有承乏之舉表表善政未易殫述迨庚
寅之夏五月時和歲豐政有餘閒公取邑志而更新
之癸丑迄今將幾四十年事有日增而日變者悉仍

舊志補其遺訛裁其冗雜增其人物一手編纂踰月而成將見讀是志者廉頑立懦化行俗美舉在是矣或謂公得一邑如斗大僅以邑乘見長才也耶余曰柳子厚傳梓人云盡宮於堵盈尺而曲盡其制計其毫釐而構大厦無進退焉異日戎公歸太史居作者之林展其材識以紀傳朝廷之功德安在不可與司馬諸君子並峙千古俾後之人亦將膾炙於其口而忍釋者也深不敏瞻日月之光華不能不極道其明頌公之德與公之政並誌一時之盛事云

永和縣志

卷

序

清康熙四十九年

劉愈深撰

舉凡天下之大典惟其真足以任之非徒文藝智巧之可強飾也況史志乎夫一邑之史也吾師嘗有言曰修志貴存其真嗚呼真之一言豈非為千古史氏之極則也乎凡地有真景况真而後無膚廓浮雜之謂凡人有真事跡事跡真而後鮮重複顛倒之譏又必有真氣識為之彌綸敷布於其中而後渾渾噩噩灑灑千里之勢無蔓衍拗澁之羞由是觀之清奇濃淡不必一家博大昌明要歸蒼古故日月經天江河行地一真大文章也易曰天地之道恒久而不已也

永和縣志

卷

疏序

猷謂史志亦然我公以太史詞宗改授茲邑目擊荒殘心平氣靜不憂地瘠惟慮民貧歷年以來興廢舉墜勸農桑修學校多設義學勤行月課諸生貧者助以膏火歲科試者贈以路費至今撫字催科以及人已日用間凡所居心措於行事純乎真而無偽想三代而後之賢者司信未有如我公之剴切者庚寅夏政通人和日長事簡采邑舊志輯為若干卷以綱統目不漏不支如隨地之景况以成序窺骨入髓誰云不真也因人之事跡以紀言論世推心誰云不真也

若夫已溺已饑之念寓於筆端民胞物與之懷見之
篇什惟其以真性情為真學問行真文章所謂筆則
筆削則削游夏不能贊一辭者也甚矣真之一言豈
特為千古史氏之極則也乎猷謂真者誠也不誠無
物君子誠之為貴猷不敏不能文敢以是言為我公
贊

清康熙四十九年

段丕猷撰

永和縣志卷之一

圖考



考九州之地各有分野周禮周官保章氏以星
土辨九州之封域以觀妖祥此萬世郡縣圖考
之準也史記天官書以在天十二舍主在地十
二州皇甫謐曰黃帝推分星次以定律定天有
十二次日月之所纏也地有十二分侯王之所
國也博雅云在天一度統地二千九百二十二
里易曰在天成象在地成形是形與象豈可以

永和縣志


卷之一 圖考

一

文載乎况永和僻處萬山其星宿之分次議論
不一其山河之形象亦不一今采左氏諸書之
可信者舉縣治古蹟之扼要者一一繪之匪圖
弗悉作圖考志

觜 三相(星)近作參蓋 觜上座旗直指天
星 尊卑之位九相連 司怪曲立座旗邊

圖 四鴉大近非越前



背三星距西南星去極八十二度半

座旗九星距南星去極六十度半入參宿八度司

怪四星距西星去極七十一度八參宿六度半

永和縣志

卷之一 圖考

二


參星圖

總是七星背相侵 兩肩雙足三為心

伐有三星足裡深 玉井四星右足陰

屏星兩扇井南襟 軍井四星屏上吟

左足下四天廁臨 廁下一星天屎沈



參十星距中星西第一星去極九十三度半

玉井四星距西北星去極九十八度少入畢宿十一度半

天屏二星距南星去極一百一十五度入畢宿十三度半

軍井四星距西南星去極一百五度半入畢宿十四度


天廁四星距西北星去極一百一十八度半入參宿二度


屏一星去極一百一十五度入參宿三度半

永和縣志 卷之一 圖考

三

總圖





縣治

永和縣志

卷之一 圖考

陝西延川縣界

延綏關

四

宜川縣界



縣界

五花泉口

縣界